

K-VI-6

Generosa Domine

I

Generosa Domine Lukaskuudon.

Anna M.

GENIS

*Opuscula in his Miscellaneis sub W<sup>o</sup> contenta sunt?*

1. Carmen gratulatorium in laudem Ing. Adol. ab Alb. Deoyen. Crac. 1630
2. Debitum pietatis A.R. et Eccl. Jac. Vitellio a Joach. Speronowic. Crac. 1630
3. Aurora natalium M. ac M.D. Adam. Hieron. Heniawski. Sub. Stan. Ojpdowski (1638)
4. Hellenodia virtuti quam cum fide &c. opera Joach. Speronowic. Crac. 1630.
5. Elisei Aurimontani ad Danthecanos bellum et arma circumspicientes Epit. 1630.
6. Vindicta p. Cornelio Tacito a Nicol. Howikowski. Convitiatoris. opposita Crac. 1630.
7. Aretos Sarmatica, quae gener. Juv. ab Alb. Samborski monstrat. Crac. 1630.
8. Nubes Hippocrati Cl. a Doct. viro Andr. Wolfowicz a Thom. Canevesi dic. Crac. 1630.
9. Icon virtuti et laboris ~~in~~ <sup>in</sup> ~~Manadringon~~ <sup>Manadringon</sup> ~~ad~~ <sup>ad</sup> Ven. ac Eccl. D. a Nic. Fabowicz Crac. 1630.
10. Pietas enudita. seu oratio de nexu piet. cum erudit. Joan. Alb. Paris. Crac. 1630.
11. Tiara Episcopalis M. ac L<sup>o</sup> D. Andr. Jzbiicki. Ep<sup>o</sup> luceor. a Daniel. Otreburz. Crac. 1630.
12. Icon heroum virtutis. Gen. ac M. Joan. D. Chienki a Joan. Cynerski. Crac. 1630.
13. Cocopus immortalitatis Ser. ac Pol. Vlad. IV. a Balthas. Stan. Prusliski. Lublini. 1630.
14. Felix luceoria in primo ac Solemni Andr. Zembicki. Dr. Balt. St. Prusliski. Lublini. 1630.
15. Planetus in obitum M. ac D. De Tecla in Olyra. Ducep. a Balt. Stan. Prusliski. Var. 1637.
16. Maria na smiere nie smiertelna Andrzeja Jaklin. kiega. Krak. 1630 p. M. D. R.
17. Heroama pietatis ad festu nuptiale Dr. a Joan. Cynerski.
18. Procebus cause in infig. et perfidum Marcum Puddam, Decerchig. Cr. 1636.
19. Aureus Trionis Sarmatici Inpos. a Ludov. Christoph. Millerus Crac. 1630.
20. Minerva plaudens in Aula D. Jagielloni ab Adamo Nowakowski. Cr. 1630.
21. Dona gratiarum Ven. D. Marci Stan. Wolfowic. p. Valerianu. Alnpek Cr. 1630.
22. Nota pzedarzone z diemie do nieba v kaz. pogri. Mikol. Sawinowicz. J. Kr. 1630.
23. Metamorphosis Apollinis et nove Musae a Joan. Nicol. Gziewski. Crac. 1637.
24. Unaq. uisus M. D. Stan. Lubomirski. Dr. Joachim. Speronowicz. Crac. 1630.
25. Stephanion Nicod. Philosophici Ado. Sub. Stan. Ojpdowski. Crac. 1630.
26. Paterna felicitas el. ac doct. viro andr. Wolfowicz a Joan. Grynwaldt. Crac. 1630.
27. Gratulatio M. ac R<sup>o</sup> D<sup>o</sup> Stan. Grochowski. Archip. Sep. a Mathia Gzibocis. Cr. 1635.
28. Echopadeia seu in uerna renas. Stud. acad. Oratio a Steph. Nizozeycki. Cr. 1630.
29. Gratia nuptiales Cl. et Eccl. D. Stan. Spinek Dr. a Joan. Cynerski. <sup>In Izbiniak.</sup>
30. In occursum Ser. Pol. inuict. Inna Vlad. IV. Dr. Acad. Ramoyse. volum. 1634. Petrus
31. Joppes votum p. felici et exopt. inculum. Adami Opatorni a Joach. Speronowic. Cr. 1630.

*Autores*

1. Alnpek Valen. 21.
2. Anonym. 16, 18.
3. Canevesi Thomas 2.
4. Cynerski Joann. 12, 17, 29.
5. Deoyen Albert. 1.
6. Fabowicz Nicol. 9.
7. Gzibocis Mathias 24.
8. Gziewski Nicolau 23.
9. Grynwaldt Joann. 26.
10. Lanninowicz Mikolay Franc. 12 Jan. 22.

11. Millerus Lud. Christoph. 19.
12. Nizozeycki Steph. 28.
13. Nowakowski Adam. 20.
14. Ojpdowski Stanislaus 32.
15. Otreburz Daniel 11.
16. Paris Joann. Albert. 10.
17. Prusliski Balthas. Stan. 13, 14, 35.
18. Samborski Albert. 7.
19. Howikowski Nicol. 6.
20. Speronowicz Joachim. 2, 4, 24, 31.
21. Izbiniak Petrus. 30.

Er  
M

16  
14  
P L A N C T V S

in

O B I T V M

*Illustrissima Domina,*

D. TECLÆ IN OŁYKA  
ET NIESWIESZ DVCISSÆ  
CONIVGIS.

*Illustrissimi S. R. I. Principis Domini,*

D. ALEXANDRI LVDOVICI  
RADZIVILI.

Olycensis & Nieśwież: DVCIS: Comit̃s á Szy-  
dłowiec. Mir & Kroże Marschalci Curiã  
M. D. Lithuaniz. CAPITANEI  
Stonimen: &c. &c.

M. BALTHASARIS STANISL: PRZTŁVSKI,  
Professoris in Collegio Biaten:

*Plora super mortuum, quoniam extinctum est lumen eius.  
Ecclesi. 22.*

---

V A R S A V I Æ,

*Apud Ioannem Trepinski, S. R. M. Typographum,  
Anno Domini. 1637.*

SSS SSS SSS  
Illustrissimo Domino,

D. ALEXANDRO LVDOVICO  
RADZIVILO,  
S. R. I. PRINCIPALI.

Olycen: & Nieswiezien: Duci, Comiti à Szydłowicz  
& Mir & Kroze, Marschalco M. D. Lithuaniz,  
CAPITANEO Stonimen: &c. &c.  
Domino Domino & Mecanati Amplissimo.

Planctum ex luctuoso Illustrissimæ Coniugis Tuæ obitu, Tibi Illustris-  
sime Princeps reuerenter dedico: ut eius demortuæ perpetuo monu-  
mentum habeas, cuius vitam tanquam dimidium animæ Tuæ, totius Orbis  
amoribus & deliciis præponbas. Dura & crudelia fata, cum cæteris o-  
mnibus, cum quod in Vestra Domus Illustrissimæ ipsum prope caput acerbe  
incitata; en iterum aliam nobis squallidam & infelicem exhibuere Ca-  
tastrophem; quam silentio præterire, neque ius, neque fas est: ne vel in-  
grati erga nostram Patronam, vel ad illius munus supremum muti esse vi-  
deamur. Tibi porro Illustrissime Princeps, velut officii ac obsequii resse-  
ram mei adscripsi eum plangorem: qui tanto faciliorem sibi aditum in pe-  
netrale beneuolentiæ Tuæ pollicetur; quanto libentius me autorem sempiterno Tibi nexu obligatum indicat; quantoque verius dolet eam Principem, è vita discessisse, in qua omnibus virginibus atq; matronis ad imitandum propositum esset exemplar. Equidem iste, planctus solum per triduum compositus, in apertum ut referatur, nihil postulat: Lucem & forum recusat; restibus item non indiget. sententiam secutus elegantis Poetæ.

Non luget quisquis laudari. Pontice, quærit.  
Ille dolet verè, qui sine teste dolet.

Sed mecum tantum supplex obsecrat, ut in Tuo conspectu incundissimo, in Tuæ sinu gratiæ possit conuiuere placidissimo. Hic ille nominis Tui vni quaquæ Illustrabitur splendore; hic se in luce clarissima, atque in  
ore omni-

ore omnium versari opinabitur. Aspice modo ipsum ac suscipe benevolus:  
& benigna manu acceptum equus placatusque lege; ac lectum non ad Tuam  
illam copiose loquentem sapientiam (qua per totam Lithuaniam omnium  
animos ad te conuertisti) sed ad meam hanc Academicam inopiam, ad  
meam imperitam, ANASCISIAN ad rudem inquam, impolitam & a-  
grestem referas simplicitatem. Ad extremum ut literas nostras, musasq;  
tenuiore dignas esse Tuo patrocinio scatuas, pro mea summa erga te reue-  
rentia, pro Tua incredibili humanitate, quaeso ac contendo vehementer  
Interim Deus Omnipotens ab Illusterrima Gente Vestra remoueat funesta  
funera: Te vero recreet tantis consolationibus orbatum: ut felix ac omni-  
bus letitiis latus, amplissimis animi Tui virtutibus, & Rempub: diu tuen-  
do adornes: & Vladislai Regis Serenissimi, Tibiq; fauentissimi experia-  
ris semper beneficam voluntatem.

Illustr. Celsitudinis Vestrae

Cliens

BALTHASAR STANISL: Przyłuski,  
P. C. B. RH:



## Vox ad Matronas Lithuaniae.

*Num ignoratis quoniam Princeps cecidit hodie in Israel.*  
2. Reg. 3.

**I**AM plorat Genitor: luget Profapia cuncta  
Quod cecidit Princeps, vos tamen ista latent?  
Iam plenus gemitu Princeps; magno Aula dolore  
Immugit tristis; vos tamen ista latent?  
Iam nimium maesti fratres, maestaeque sorores  
Soluunt se in planctum, vos tamen ista latent?  
Praestans Nieswiesium rorantes vndique fletus  
Dat, multumque dolet; vos tamen ista latent?  
Olyka suspirat grauius; Mir Krozeque plangunt:  
Maeret Szydłowiec, vos tamen ista latent?  
Białaque succedens habitu lugubris in atro  
Iam lachrymas fundit, vos tamen ista latent?  
Denique muta suis, iam strident marmora templis,  
Plurima lamentis, vos tamen ista latent?  
Nequaquam ista latent, quin omnis concio vestra.  
Audiit ut mortem, luctibus incubuit.  
Pectus concutiens, oculos deiecit modestos  
Pectore deuoto, talia verba tulit.



Queri-

# Querimonia Matronarum.

*Mulier Sancta erat. Iudith. 8. c.*

**T**E quoque iam nobis rapuerunt insipia fata  
E ximiae Gentis gloria magna Tuæ.  
C rudelesq; tua abruperunt istamina Paræ.  
L ux Matronarum, cara corona viri?  
A træ nec poterant aliter decreta patrari.  
C lotonis, noster ni perisset honos?  
O spes vana hominum, vitæ fiducia vana!  
N il vires profunt, integra vita nihil!  
I am fuerit mulier pulchra formosior Esther:  
V t Iudith fortis; mors quoq; mordet eam.  
X anthonemq; ipsam diuino sanguine cretam  
R eddat: & illa tamen tristia fata subit.  
A h miseræ crimen, quod tam concepimus atrox?  
D e quo tam grauitè plebs tua Christe, dolet?  
I nsigni decore orbasti Patremque Ducemque:  
V nde fit vt cunctas non nisi flere iuuet.  
I llustres natos orbasti matre benigna:  
L æto priuasti tempore filiolas:  
I llus si possit vita à morte reduci  
P er nos; quæq; suam veller obire diem.  
R egis sed summi, quando fuit ista voluntas.  
I ucundâ sociâ despoliare Ducem:  
N il superest maius, nisi qui gratemur adeptæ  
C ælestem vitam, pulchra theatra Poli.  
I n nos (quæ Dominâ tam Sanctâ viuimus orbæ)  
P loratus, plangor, tristia cuncta cadunt.  
I nterijt dilecta Deo: cælestis amoris  
S cire cupis causam & carmina pauca lege.

\*\*\*\*\*

Quoniam timebat Dominum valde, nec erat, qui loqueretur de illa verbum malum.  
8. *Judith.*

**E**T meritò dilexit eam, Regnator Olympi;  
Subianxitque sacris cætibus Angelicis.  
Hæc etenim Princeps, quæ turpia facta perosa  
A teneris annis, optima semper erat.  
Quæ comis, facilis, nulli pietate secunda,  
Compatiens miseris, integritatis amans:  
Cui Pandora animi, cui dotes corporis omnes  
Largiter infudit, cui dedit omne bonum:  
Hic erat in cunctis celebris moderatio rebus:  
Hic mite ingenium; vultus erat Charitum:  
Hic pudor, & speculum morum, prudentia vera:  
Hic lux iustitiæ, relligionis honos:  
Singula quid referam? fuit hæc virtutis imago  
Omnis Lithuanicæ fidus, amorq; plagæ.  
Optes talem aliam, lugens Biała fortè licebit:  
Quod speres, nihil est: non citò talis erit.

Quasi sol refulgens sic effulsit.  
*Eccles. 50.*

**O** Verè quasi sol oriens, sic illa refulsit!  
Sic fulgens cunëtis gaudia plena tulit.  
Non adèò pridem venit comirata decore,  
Ad tantos thalamos Principis eximij.  
Mors, quæ fit citior semper melioribus, illam  
Exemplum nuptus ncluit esse diu.

Præstantemque suam stirpem prouexit ad astra

Cætera nunc telo funeris icta iacet.

Omnia florebant lætè, dum floruit ipsa:

Magnus honor; quando splendida vita fuit.

Nunc tantùm cineres restant, & inanis imago:

Gaudia, nunc tanto sole cadente cadunt.

Feralis requies, & vox auditur amara.

Quisque stat atratus, quisque madet lachrymis.

O nulla in magnis vitæ constantia rebus!

O vana humani conditio generis!

Nemo iam vitæ, nemo alto credat honori,

Mors indiferetâ, singula falce metit.

Accingimini faccis & plangite ante

exequias. 2. Regum c. 3.

I AM Cliō tristi barbite nēnias

Sonato mæstas, & querula Cheli

Lamenta dic, amplasque dotes

Flebiliter memora Ducissæ.

Vincebat illam stemmatibus suis,

Non stirps potentum maxima Principum:

Non fulgidi diues Senatus

Purpura; siue Ducum Tiara.

Fuit Tonantis fulgida gloria

Fuit Coluri Lithuanici decus.

Virtute præclara coruscans.

Siue loquens faciensue visa.

Hanc tam celebrem Persephone furens,

Ausa est acerbo funere mergere.

Eheu diem cunctis diebus

Luctificis numeris canendum?

O dura Clotho; siccine perfida

Tibi manus? sic eximium bonum.

Inuidit atrox fregit atque  
 Sustulit ex oculis Lechitum.  
 En nunc opem dat, qui Patriæ vilem  
 Vxore Princeps orbis amabili.  
 Qui Patriæ non fert dolosas  
 Infidias, periculaque necesse.  
 En stella splendens, quam cito concidit?  
 Flos quam coloris purpurei aruit  
 Quàm in squalidis & luctuosis  
 Gloria magna iacet feretris:  
 Tandem videtur, perdat vt omnia  
 Mors; nec supremis parcat honoribus.  
 Et quod fuit mortalis omnis,  
 Dum perimit satis hercle monstrat.  
 Cur cedis isto tempore Principis  
 Præstans imago: vitaque candida?  
 Cur cedis & nos in dolore  
 In lachrymis subito relinquis?  
 Heu Patris ampli deliciae iacent?  
 Apex Ducalis, lugubris heu iacet.  
 Splendor Camænarum iuuamen  
 Atque columna potens egentum.  
 Corona lucens feminei status:  
 Mens læta Natùm: fortis & anchora  
 Aulæ voluptas nationis  
 Radziuulum, iacet heu dolenter,  
 Dolenter inquam celsus honor iacet  
 Iacent Auorum grandia stëmata.  
 Ex morte laudandæ Ducissæ  
 Funeres gemitu referta.  
 Iam quique fletus mittite flumina  
 Explete mecum luctibus omnia  
 Vos pauperes vestram parentem:  
Musa tuam doleas Patronam.

Plorate casti vos pueri & senes.

Deflete alumni Pierij chori.

Plangat Sacerdotum piorum

Stridula turba suum leuamen

Cætusque puri fundite lachrymas

Et vos dolorem Virginæ manus

Ostendite in claustris, notando

Raucisonis animum querelis.

Imò gemiscat tota Polonia

Quæ sic amaro funere perdidit

Heu prolis illustris parentem

Grande sibi columen futurum.

Quorsum, sed aures questibus obruo

Tantisque quorsum planctibus vrgeor?

Et nitor ut robusta possit

A lachrymis ratio retundi?

Cessabo, flendi copia plenior

Absit, dolorem comprimo tam grauem

Deflere non est fas Quiritem

Elysij rutilique cæli:

Viuit lubenter fidereas domos

Felix peragrat, spectat & aureis

Ridere campos lilijs, &

Flumina luxuriare gemmis!

Beata viuit, cuncta pericula

Potita portu, temnit, & occinit

Celeusma sanctum; & viuet orbe

Perpetuo celebranda sæclo.

# VALEDICTIO

Manes Illustrissimæ Ducissæ  
loquuntur.

*Ad Illustrissimum ac Magnificum Dominum,*

**D. HIERONYMVM WOŁO-**  
**WICZ GENERALEM SAMOGITIÆ,**  
Cobrin: Vpiten: Schaulen: Capitaneum,  
optimum Parentem.

*Tempus fuit hinc abire me, ut moriar, tu ut vitam agas.*

**M**E tamen suavis Genitor, dolebis?  
Cum scias nullo gemitu moueri  
Horridam mortem, similiq̄ lege  
Cuncta perire.

Pone mærorem, mihi gratulare,  
Quæ tuam noscens grauibus senectam  
Confici morbis, statui libenter  
Linquere mundum.

Dum modò sanus, fueris superstes:  
Dum modo vitæ numerando sæcla  
Præstitos à Te, numeret amores.  
Nostra propago.

Sic precor, viuas placidaq̄ mente  
(Ob tuum munus pietatis in me)  
Sis; ego æternum tibi chare opto &  
Dico valetō.



*Ad Illuſtriſſimum S. R. J. Principem Dominum,*  
**D. ALEXANDRVM LVDO-**  
**VICVM RADZIVILVM**  
Olycen: & Nieſwieſien: Ducem &c. &c.  
Coniugem Gratiſſimum.

*Verus amor nullum nouit habere modum.*

**C**VM te pars animæ meæ  
Mæſtum conſpiceret Biaſa  
Curantem nimiè meam  
In morbo valetudinem:  
Tum verus amor quid ſciat  
Conſtans quid pietas agat,  
Oſtenſum fuit omnibus.  
Ergo tantus amor tuus,  
Hoc iam forte loci ſtetit?  
Nequaquam: petit altius  
Etiſi cum lachrymis petit:  
En terræ exuias meas  
Mandat ſolicitiffimus:  
Te angit te premit anxium  
Me dignatur honoribus  
Buſti, me prece recreat.  
O Princeps celeberrime  
Iſtud cunctipotens Deus  
Per vitæ omnia tempora  
Largé retribuat Tibi.  
Det ſuprema leuamina:  
Det ſolatia centupla:  
Det de rore Palatij  
Picti ſideribus Poli

Quidquid concupis expetis:  
Quidquid vota ferunt tua.  
Ut cum sat benedixerit.  
Te saluum Patriæ satis  
Seruarit, viridi tuum  
Serto condecoret caput.  
Ac te perpetuæ tegat  
Albâ lætitiæ stolâ.  
At Dux magne modò vale  
Coniux chare. Vale. Vale.

*Ad Perillustres & Magnificos Dominos;*

D. STANISLAVM WOYNAM  
POLAGOVIANSEM.

&  
D. VLADISLAVM WOYNAM  
GORZDOVIEN: CAPITANEOS  
Fratres vterinos.

Virtus post funera viuit.

O Virtute micans, conspicua nimis  
Frater mi, bone mi, Frater & inclyte  
Quid multâ roseas tristitiâ genas  
Perturbas? moriens sic homo non redit.  
An tecum reputas fata ferocia?  
An me tam subito, quod cecidi doles?  
Sed si quis remanet, fratris amor tibi,  
Credo autem remanet, magnus amor tibi:  
Ne quæso doleas, ne mea funera  
Ultra sollicitis questibus vrgeas.  
Viuo post obitum, stelliferam domum  
Et cum Matre mea, & cum Patruis meis.

Felix

Felix possideo, Numina faustior,  
Pro te sancta peto, proque tuo bono  
Nunc mi chare Vale, Frater amans Vale?  
Semperque eulogijs omnibus afflue;  
Semperque auxilijs Alfitoni vtere.

*Ad Illustres & Magnificas Dominas.*

D. HEDVIGIM WOYNIANKA

S A P I E Z T N A.

Vexilliferam Mag. Duc. Lithuaniz.

D. CATHARINĀ WOYNIAN-

KA SAPIEZTNA, NIEMONECEN:

Capitaneam, Sorores vterinas.

Flebile principium, melior fortuna  
secuta est.

**O**HE iam satis est molestiarum  
Iam angorum satis, & satis dolorum;  
O tandem, mea chara, blanda tandem  
Mæstas desine lachrymas ciere.  
Jam tuto pede tam periculosum  
Transiui mare fluctuantis orbis  
Jam téchnas Cacodæmonis maligni.  
Vici: iam laqueos iniquitatis  
Fregi, & perfidiosa tela carnis  
Neruosè retudi, fauente cælo.  
Jam non pœnitét omnium laborum.  
Quéis mundum subigens ego dolosum.

Palmas obtinui beatitatis  
Vixit concino verba faustitatis,  
Ergo cara soror tuis querelis  
Sic incessere fata quæso noli.  
Conferues faciem tuam decoram:  
Non blandum teneas mærore vultum:  
Non hos affice lucidos ocellos  
Non istud placidum tuum labellum:  
Non totam speciem tuam venustam:  
Non demum inuideas mihi beatam  
Sortem, quam teneo in beatitate  
Læta & lætitiâ tibi peropto.  
Ohè iam satis est molestiarum  
Iam angorum satis, & satis dolorum

*Ad Illustrissimos S. R. I. P. Dominos,*  
**D. NICOLAUM, ALBERTUM.**  
**MICHAELUM.**

*Et Illustrissimas Virgines,*  
**Ø. ANNAM, IOANNAM,**  
Prolem dulcissimam.

Deus, qui pascit me ab adolescen-  
tia mea vsque in præsentem diem: Angelus qui eru-  
it me de cunctis malis, benedicat pueris istis. *Gen. 48.*

**N**ON lachrymis Soboles crucia miserabile pectus,  
Nam miserum causâ non decet esse meâ.  
Lætâ mercedem, cælo gratante recepi  
Et potior vultu, luminibusque Dei.  
Me pietas, me religio, me candida mentis  
Simplicitas, Diuûm, me timor ingenuus

Commendēt, tibiq; exemplo proponat amico  
Hac mihi te similem parte vigere aucto  
Cætera de Genitore tuo, pulcherrima facta  
Et vitæ illustrem percipies modulum.  
Ad quod præstandum cæli benedictio larga  
Adsit, Teque Deus in tempus omne regat.  
Jamque Vale æternumque Vale dulcissima proles.  
Sisq; memor Matris, sis probitatis amans.

## Monumentum

### ILLVSTRISSIMA PRINCEPS.

Si te dixerō Wołouicziani Generis delicum:  
Lithuanici soli florem, pietatis exemplar:  
Benignitatis regulam; modestiæ lucernam;  
Tolerantiæ lauream; morum idæam:  
ignosces.

Si te dixerō Magni Mariti vnicum solarium:  
Coniugum normam; speculum Matronarum:  
Apud Domesticos, & alienos spectaculum.

*Parum est.*

Deficit oratio, vbi tanta virtutum ratio:  
Attamen lætare mortua feliciter,  
Quæ vitam egisti laudabiliter.  
Et Sarmatas, qui ad summa quæque.  
Nihil desiderabant in te, præter annos:  
Nihil improbarunt, præter fata præcipitia.  
Ante thronum Altissimi,  
( Vt pie credere libet )  
Intuere stans, & tuere.

Manibus gloriosis, & æternæ  
memoriæ.

*Illustrissima Domina,*  
**D. TECLA WOŁOWICZOWNA**  
*Ducissa in Olyka & Nieswisz &c. Marschalca M. D. Lith.*

*Qua*  
**L**ithuaniam, nascens, Matrimonium, viuens.  
Białam moriens, Olympum exultans.  
illustrauit.

*Viaror discere.*

Etiā probitate, sine ætate maturas:  
Modestiam sine fastu. Heroides:  
Pietatis ardore, sine sanguine fere Martyres fieri.

*Et dicere.*

Templum operum immortalium.  
Mortalitate corrūit.


Exstincta Illustrissima Domina TECLA Ducissa  
Olycen: &c.


Anno salutis 1637. 21. Martij, Ætatis suæ 26.

Conclusio.

**I**n tanto Białæ luctu Illustrissime Princeps  
Ista tui mæsto, carmina pauca Tibi.  
Quæ si forte minus placeant, mirabile non est.  
Aëre turbato, non benè cantat auis.







f. 3



818864 Bibliotheca 28 000,-  
P.P. Camaldulensium in Bielany

Depozyt w Bibliotece Jagiellońskiej



03947

K.VI.6

